



ISSN 2181-2551
E-ISSN 2181-256X

"IQTISODIYOT VA TURIZM"
xalqaro ilmiy va innovatsion jurnali

«ЭКОНОМИКА И ТУРИЗМ»
международный научно- инновационной журнал

"ECONOMICS AND TOURISM"
international scientific and innovative journal

№2(2) 2021



Jurnal haqida

"Iqtisodiyot va turizm" xalqaro ilmiy va innovatsion jurnali

"Iqtisodiyot va turizm" xalqaro ilmiy-innovatsion jurnaliga taqdim etilgan ilmiy maqolalarga qo'yiladigan asosiy talablar falsafa doktorligi (PhD), fan doktorligi (DSc) dissertatsiyalarining asosiy ilmiy natijalarini xalqaro standartlar va O'zbekiston Respublikasi Vazirlar Mahkamasi huzurida "Oliy attestatsiya komissiyasi to'g'risidagi Nizom" talablari, shu jumladan elektron ilmiy-texnik jurnallarga qo'yiladigan talablar tizimi hisoblanadi.

«Экономика и туризм» международный научно- инновационной журнал

Основные требования к научным статьям, представляемым в международный научно-инновационной журнал «Экономика и туризм» являются научные публикации, рекомендованные для публикации основных научных результатов докторских (PhD), докторских (DSc) диссертаций в соответствии с международными стандартами и «Положением о Высшей аттестационной комиссии» при Кабинете Министров Республики Узбекистан, в том числе из шаблонов в системе требований к электронным научно-техническим журналам.

About the magazine

"Economics and Tourism" international scientific and innovative journal

The main requirements for scientific articles submitted to the international scientific and innovative journal "Economics and Tourism" are scientific publications recommended for the publication of the main scientific results of doctoral (PhD), doctoral (DSc) dissertations in accordance with international standards and the "Regulation on the Higher Attestation Commission" Under the Cabinet of Ministers of the Republic of Uzbekistan, including from templates in the system of requirements for electronic scientific and technical journals.



TAHRIRIYAT KENGASHI

Tahririyat Kengashi raisi

Navruz-Zoda Bakhtiyor Negmatovich

Bukhara State University Professor Doctor of Economical sciences (DSc)

Tahririyat Kengashi raisi o'rribbosari

Khamraev Khalim Razikovich

Bukhara State University Docent Doctor of economical sciences

Bosh muharrir

Khidirova Gavkhar Rustamovna

Bukhara State University Docent Doctor of philosophy (PhD) Economical sciences

Tahririyat Kengashi a'zolari:

Khamidov Obidjon Khafizovich

Bukhara State University Professor Doctor of Economical sciences (DSc)

Akhmedov Tursun Mukhitovich

Institute of forecasting and macroeconomic researcher (IFMR) Deputy director professor,
Doctor of Economic Sciences (DSc)

Yuldashev Shuxrat Ganievich

National university of Uzbekistan professor Doctor of economic science

Pardaev Mamayunus Karshibaevich

Samarkand Institute of Economics and Service Professor Doctor of economics

Djavlonbek Kadirov

Place of work: Victoria University of Wellington PhD in Marketing

Khazhimov Pazliddin Zukurovich

National university of Uzbekistan Docent Doctor of philosophy (PhD) of Economic sciences

Abdullaev Ilyos Sultanovich

Urgench State University professor Doctor of economic sciences

Alimova Mashhura Toirxonovna

Samarkand Institute of Economics and Service Professor of the Department of Management
DSc in Economics

Kakhkhorov Otobek Siddikovich

Bukhara State University Vice-rector on scientific researches and innovation Doctor of
Economical sciences (DSc)

Juraev Abror Turobovich

Bukhara State University Vice-rector for International Cooperation Candidate of economic
sciences

Ibragimov Nutfillo Salimovich

Bukhara State University Professor Doctor of Economical sciences (DSc)

Yavmutov Dilshod Shoyimardonkulovich

Bukhara State University Docent Doctor of philosophy (PhD) Economical sciences

Tadjieva Sayyorakhon Uralovna

Bukhara State University Head of the Department Candidate of economic sciences

Mas'ul muharrir: Gavhar Xidirova

Veb-administratorlar: Erkin Farmonov



MUNDARIJA

Ивлиева О.В. Информационная обеспеченность разделов «туризм» на туристских сайтах субъектов Северного Кавказа	5
Муталиева Л.М., Рахманов С.У. Стратегические и тактические проблемы развития кадровой политики в отельном бизнесе Казахстана	13
Хашимов П.З., Фахриддинаева З.Ф. Рақамли иқтисодиётни ривожлантириш омиллари .	19
Hamroev H.R. “Islom ilmi va madaniyati markazi” ziyorat brendi Buxoro turistik destinatsiyasini shakllantirish vositasi.....	28
Д.Ш.Явмутов. Проблемы эффективного использования орошаемых земель Бухарского вилоята и пути их улучшения.....	36
Ибрагимов Н.С. 7М кўламда рақобатбардош экскурсия хизматларининг илмий асослари	42
Хидирова Г.Р. Минтақада ички туризмни ривожлантиришнинг концептуал асослари...	51
Xalimova N. J. Ijtimoiy mediani shakllantiruvchi funksional bloklar va ularning virtual dunyoda qo'llanilishi	67
Dzhuraeva Z.T., Rajabova M.A. Convenience and advantages of outsourcing in the regional market of tourist services.....	73
Рахимова С.М. Пандемия шароитида Ўзбекистонда тиббий хизматлар бозорини такомиллаштиришнинг айрим масалалари таҳлили	81
Axmatova M.E. Turizm va transport xizmatlarining bir-biri bilan uzviv bog'liqligi	86
“Iqtisodiyot va turizm” журнали учун мақолаларни рasmiylashtirish talablari	92

УДК: 338.482

Ибрагимов Нутфилло Салимович

Доцент, и.ф.н.

Бухоро давлат университети

7М КЎЛАМДА РАҚОБАТБАРДОШ ЭКСКУРСИЯ ХИЗМАТЛАРИНИНГ ИЛМИЙ АСОСЛАРИ

Аннотация:

Кириш. Мақолада рақобатбардош экскурсия хизматлари рақобатининг функционал, турдош ва ишлаб чиқарувчилараро шакллари нуқтаи назаридан тизимли таҳлил усулида илмий асосланган бўлиб, 7М даражадаги гидларнинг фаолият кўлами, юридик мақоми ва уларга қўйилган малака талаблари ишлаб чиқилган.

Тадқиқот методлари. Мақолада монографик усулда экскурсия хизматларининг рақобатбардошлиги таҳлил қилган, тизимли таҳлил усулидан фойдаланиб, экскурсия хизматларини 7М концепциясини қўллаш орқали моно, мини, микро, мезо, мета, макро ва мега даражадаги фаолият кўлами, юридик мақоми ва уларга қўйилган малака талаблари ишлаб чиқилган.

Натижалар ва мунозара. Экскурсия – услугбий жиҳатдан пухта ўйланган, дикқатга сазовор жойлар, тарихий ва маданий ёдгорликларни намойиш ҳамда экскурсантларнинг кўз олдидаги обьектларга оид воқеаларни қизиқарли шаклда ҳикоя қилиш хизматидир. Экскурсия етакчиси -мутахассислар томонидан тайёрланган шахс бўлиб, маълум худудларнинг тарихи, дикқатга сазовор жойлари, маданияти ва замонавий ҳаёти билан таниширишга оид фаолият билан шуғулланади. Гид-таржимон – таржима қилиш ҳамда худудларнинг тарихи, дикқатга сазовор жойлари, маданияти ва замонавий ҳаёти билан таниширишга оид фаолият билан шуғулланадиган, хорижий тилни мукаммал эгаллаган экскурсия етакчисидир.

Мақолада Ўзбекистонда 7М кўламда рақобатбардош экскурсия хизматларининг турдош, функционал ва ишлаб чиқарувчилараро шакллари аниқланиб, 1) битта дикқатга сазовор жойга ихтисослашган ёшларни гидлик ҳунарига босқичма-босқич жалб қилиб, мутахассислар томонидан тайёрланган назорат матнлари асосида экскурсия хизматини етказишиларига рухсат бериш; 2) бақалавр таълим босқичини яқунлаб, моно, мини ёки микро кўламда фаолият кўрсатаётган ёшларга малака сертификатини бериш; 3) барча малака сертификатига эга гидларга ҳунарманд мақомини бериб уларнинг фаолиятини тартибга солиш; 4) минтақавий ва миллий Гидлар уюшмаларини жорий қилиш орқали ўз-ўзини бошқарадиган нодавлат нотижорат ташқилотлар фаолиятини қўллаб-куватлаш; 5) ижтимоий медиа маркетинг воситаларига асосланган, гид хизматларини таклиф қилиш каналларини ҳамкорликда яратиш ва жорий этиш; 6) етказилган экскурсия хизматлари сифатининг мониторингини амалга ошириш каби ушбу хизматни етказишга қодир бўлган гидларни шакллантириш ҳамда хизмат сифатини баҳолашнинг 6 механизми ишлаб чиқилган.

Хулоса. Туризм мамлакат иқтисодиётининг етакчи соҳасига айланиш арафасида бўлиб, умумий рақобатбардошликини таъминлаш 7М кўламда рақобатбардош экскурсия хизматларини етказишга қодир, малакали, аниқ юридик

мақомга эга мутахассисларни шакллантириб, уларнинг малакасини узлуксиз ошириш ва фаолиятларини тартибга солиш механизмларини жорий этиш эвазига эришилади.

Калит сўзлар: туристик хизмат, рақобатбардошлиқ, турдош, функционал, ишлаб чиқарувчиларо рақобат, эккурсия хизмати, моно, мини, микро, мезо, мета, макро ва мега даражадаги фаолият кўлами, юридик мақом, малака талаб.

Кириш

Ўзбекистон Республикаси Президентининг 2016 йил 2 декабрдаги ПФ-4861-сонли “Ўзбекистон Республикасининг туризм соҳасини жадал ривожлантиришни таъминлаш чора-тадбирлари тўғрисида”ги фармонининг 1-бандида “туризм тармоги учун, айниқса менежмент ва маркетинг соҳасида малакали кадрларни сифатли тайёрлаш тизимини тубдан такомиллаштириши, гидлар (экскурсия етакчилари) тайёрлаш, туризм фаолияти субъектлари ходимларини мунтазам равшида қайта тайёрлаш ва малакасини ошириши” [1] вазифаси белгиланган бўлиб, мамлакат доирасида туризмнинг рақобатбардошлигига эришишнинг муҳим шартларидан бири, сифатли экскурсия хизматларини жорий қилиш механизмларини илмий асослашдан иборат.

Туризм соҳаси олдида турган асосий вазифалардан бири сервисни такомиллаштириш, яъни туристларга хизмат кўрсатиш маданиятини оширишdir. Туристга нисбатан доимий эътиборли бўлиш меҳмондўстлик соҳасининг муҳим жабҳаларидан биридир, чунки маълум жойга ташриф буюрувчи келмаса, хизмат кўрсатишга ҳожат қолмайди. Шундай экан, мамлакат доирасида туризм рақобатбардошлигига эришишда давлатнинг турли диққатга сазовор жойларига ташриф буюриш жараёнида тушунтириш ишларини олиб борадиган шахслар (экскурсия етакчилари, гид-таржимонлар, музей ходимлари ва бошқа)нинг малакасига ҳам боғлиқ.

Материаллар

Туризм рақобат назариялари, туризм соҳасини ривожлантиришда тизимли ёндашув, туризмда экскурсия хизматларининг ўрни каби масалалар хорижий олимлар томонидан кенг тадқиқ қилинган. Жумладан, V. Della Corte [2], U.Martini [3], M.Franc [4], M.Porter [5] кабиларнинг илмий изланишлари алоҳида эътирофга лойик.

Мустақил давлатлар ҳамдўстлиги давлатларида экскурсия хизматлари рақобатбардошлиги муаммосининг назарий ҳамда услубий жиҳатлари Б.Емильянов [6], В.С.Сенин [7], В.С.Боголюбов [8], В.П.Орловская [8], В.А.Квартальнов [9], Ю.Ф.Волков [10] каби олимлар томонидан атрофлича ўрганилган.

Ўзбекистонлик олимлардан И.С.Тухлиев [11], Д.Х.Асланова [12], Б.Н.Навруз-Зода [13], Б.Х.Тураев [14], А.Норчаев [15], О.Х.Хамидов [16], М.Т.Алимова [17], Б.Ш.Сафаров [18], А.А.Эштаев [19], М.Т.Алиеваларнинг [20] тадқиқотлари туристик ҳудудларни ижтимоий-иктисодий ривожлантиришнинг турли масалалари ҳамда экскурсия хизматларининг назарий жиҳатларига бағишиланган.

Методлар

Мақолада монографик усулда экскурсия хизматларининг рақобатбардошлиги таҳлил қилган, тизимли таҳлил усулидан фойдаланиб, экскурсия хизматларини 7М даражада амал қилиниши аниқланган, натижада моно, мини, микро, мезо, мета, макро ва мега даражадаги фаолият кўлами, юридик мақоми ва уларга қўйилган

малака талаблари тадқиқ этилган. Эмпирик кузатувлар асосида, Ўзбекистонда гидларни 7М кўламда шакллантириш механизмлари илмий асосланган.

Натижалар

Туризмда рақобатнинг ўзига хос хусусияти ҳамда унинг саноат ва қишлоқ хўжалигидан кескин фарқи шундан иборатки, рақобат бир вақтнинг ўзида бир нечта ўзаро боғланган кўламларда, жумладан макро-, мезо- ва микроқўламларда кўриб чиқилиши ва таҳлил этилишини тақазо этади [13]. Мамлакатнинг (макро) туризм рақобатбардошлиги, пастдан юқорига қараб 7М (моно, мини, микро, мезо, мета, макро ва мега) кўламда туризм соҳасидаги ҳар бир бўғинни изчиллик билан такомиллаштириш, ўзини-ўзи бошқариш, ўзаро ҳамкорликда рақобатлашиш принципларига асосланган уюшмалар шаклидаги бошқарув тизимини жорий қилиш ва уларни қўллаб-қувватлаш, барқарор ривожланиш концепциясига хос тамойилларга асосланган ислоҳотларни амалга ошириш эвазига эришилади. Маҳсулот ва хизматлар бозори маркетинги нуқтаи назаридан гид хизматларини таклиф этишда рақобатнинг уч тури мавжуд:

1.Функционал рақобатда битта эҳтиёжни турли воситаларда қондириш мумкин. Масалан, эккурсия хизматига бўлган эҳтиёж гид хизмати, аудио гид хизмати ёки ёзма (рақамли ва қофоз) манбалар орқали ташриф жойлари ҳақида маълумотга эга бўлиш.

2.Турдош рақобат битта эҳтиёжни қондиришга мўлжалланган маълум параметр ёки хусусиятлари бўйича фарқланадиган маҳсулот ва хизматларнинг ўзаро рақобатлашувида намоён бўлади. Яъни, барча инглиз тилида гапирадиган гидлар ўзаро турдош рақобатда бўладилар.

3. Гид хизматини таклиф этувчи воситачилараро рақобат. Эккурсия хизматига буюртма бериш имкониятини берадиган турли воситалар, туроператорлар, эккурсион бюролар, гидларга буюртма бериш жамоавий ва шахсий сайлари ёки меҳмонхона орқали буюртма бериш, ўзаро воситачилараро рақобатда бўладилар.

Эккурсия хизмати кейинги йилларда кескин ривожланиб бораётган хизмат турларидан бўлиб, уни эккурсияшунослик фани ўрганади. XX асрнинг 70-йилларига қадар профессионал эккурсия етакчилари фақат музейларда мавжуд бўлиб, илмий ходимлар ва санъатшунослардан таркиб топган. Айни кунга келиб эккурсияшунослик назарияси соҳага оид турли таълим муассасаларида кенг ўқитилиб келинмоқда. Эккурсияшунослик педагогикадан ўсиб чиқсан бўлиб, ўтган асрнинг 20-йилларида умум таълим ўқув муассасалари ўқувчилари учун эккурсиялар ташкил этилган. Музей услугушунослари ва ходимлари, ўз ишларини илмий тадқиқотлар билан уйғунликда амалга оширганлар.

Эккурсия - танишиш ёки ўрганиш мақсадида аниқ белгиланган режа бўйича ўтказиладиган, мавзули ҳикоялар билан олиб бориладиган бирор обьектни кўрсатиш жараёнидир. Ҳар бир эккурсиянинг мазмуни (хусусияти) ҳикоя қилиш, намойиш этиш, маълумот беришдан иборат. Агар намойиш этиш (таништириш) бўлмаса бундай маданий, илмий жараён эккурсия эмас, балки оддий маъруза ёки сухбат ҳисобланади.

Б.Емильяновнинг фикрича, эккурсия – *услубий жиҳатдан пухта ўйланган, дикқатга сазовор жойлар, тарихий ва маданий ёдгорликларни намойиш ҳамда эккурсантларнинг кўз олдидағи обьектларга оид воқеаларни қизиқарли шаклда ҳикоя қилиши хизматидир* [6]. Эккурсия етакчиси — мутахассислар томонидан тайёрланган шахс бўлиб, маълум худудларнинг тарихи, дикқатга сазовор жойлари,

маданияти ва замонавий ҳаёти билан таниширишга оид фаолият билан шуғулланади. Гид-таржимон – таржима қилиш ҳамда худудларнинг тарихи, дикқатга сазовор жойлари, маданияти ва замонавий ҳаёти билан таниширишга оид фаолият билан шуғулланадиган, хорижий тилни мукаммал эгаллаган экскурсия етакчисидир. Амалиётда экскурсия етакчisi ҳамда гид-таржимон иборалари ишлатилмасдан, ГИД сўзи кенг қўлланилади. Ўзбекистон Республикасининг “Туризм тўғрисида”ги қонунида, **экскурсия етакчisi** — туристлар ва экскурсиячи (бир кунлик сайёҳ)ларни муайян туристик ресурс билан танишириш учун касбий жиҳатдан тайёргарлик кўрган, Ўзбекистон Республикаси резиденти бўлган жисмоний шахс [21], деб таъриф берилган.

Экскурсия етакчиларини тайёрлаш Ўзбекистон Республикаси Туризм ва спорт вазирлиги тасарруфидаги **Туризмни ривожлантириш институти** ҳамда унинг Бухоро, Самарқанд ва Хоразм вилоятларидаги минтақавий филиалларида амалга оширилади. Туризм ва спорт вазирлигининг маълумотларига кўра [22], 2020 йилнинг 1 январь ҳолатида Ўзбекистон Республикасида 1000 нафар гид фаолият кўрсатиб, улардан 400 нафари Тошкентда, 300 нафари Самарқандда, 200 нафари Бухорода, 85 нафари Хоразм вилоятида, 10 нафари Фарғона вилоятида ҳамда 5 киши Сурхондарёда истиқомат қиласди.

Туризм соҳаси мутахассисларини тайёрлаш ва малакасини ошириш Республика марказининг маълумотларига қараганда [23], 10 йил ичида марказ томонидан 1900 нафар гид, 800 та туроператор ва меҳмонхона ходимлари тайёрланган, туристик фирмалар ва меҳмонхоналар учун 400 та семинар ҳамда Ўзбекистонда ички туризмни ривожлантириш мавзусида 2 та илмий-амалий анжуман ташкил этилган. Бундан ташқари, туроператор, меҳмонхона хўжалиги ходимлари ҳамда экскурсия етакчиларини ўқитиш жараёнида қўлланиладиган услугубий қўлланмалар ишлаб чиқилган. Ўзбекистон тарихий меъморий меросига оид услугубий қўлланмалар яратилган.

Кейинги йилларда туризмнинг стратегик соҳа сифатида тан олиниши ҳамда уни жадал ривожлантиришнинг меъёрий-хуқуқий базаси шакллангандан сўнг, туристлар сонининг кескин ўсиши прогноз қилинмоқда. Жумладан, Туризм ва спорт вазирлигининг маълумотларига қараганда, агар 2017 йилда 2,5 миллиондан ортиқ ташриф буюрувчига хизмат кўрсатилган бўлса, 2022 йилда Ўзбекистоннинг турли туризм худудларига 4 баравар кўп туристни жалб қилиш режалаштирилган. Албатта туристлар сонининг ўсиши хизмат кўрсатувчиларга бўлган эҳтиёжнинг 4 карра ошишига олиб келиб, Ўзбекистоннинг турли дикқатга сазовор жойларига ташрифни сифатли ташкил қилиш малакасига эга гидларни шакллантиришни тақазо этмоқда. Шунинг учун, **экскурсия хизматини амалга оширувчи гидларнинг мақоми, фаолият кўлами, малака талаблари ва хизмат сифатини баҳолаши жараёнларини илмий асослаш зарурати мавжуд**.

Экскурсия хизматини баҳолаш уч субъект томонидан амалга оширилади [24]: 1) жорий стандартларга мослиги нуқтаи назаридан, 2) туризмни бошқариб назорат қилувчи органлар томонидан; туроператорлик ташкилоти томонидан, индивидуал матнни экспертизадан ўтказиш, экскурсияни ташкил этиш ва олиб бориш, яъни маълумотларни етказиш сифатини аниқлаб баҳолаш; 3) экскурсантларнинг хизматдан қониқиши ҳосил қилганлик даражасига кўра.

Айтиш жоизки, барча экскурсия хизматлари аниқ маълумот манбаларига таяниб, улар маданий ёки табиий обьектга оид адабиётлар, расмлар, хариталар, реконструкциялар, архив ҳужжатлари ва бошқаларни қамраб олади. Айнан шу

манбалар асосида мутахассислар томонидан назорат матнлари яратилиб, экскурсия етакчилари уларга асосланган индивидуал матнларини шакллантирадилар. Яъни назорат матнлари гидлар томонидан берилаётган маълумотларнинг сифатини таъминлашни назарда тутади ҳамда экскурсия хизматини баҳолашнинг меъёрий-хуқуқий асоси бўлиб хизмат қиласди.

Саёҳат давомида турли жойларга ташриф буюрилиб, ташриф маконига оид маълум маълумотга эга бўлиш эҳтиёжи туғилади. Масалан, заргарлик устахонасига ташриф буюрган турист айни ҳунармандчилик анъанаси, қимматбаҳо металл ва тошлар, ҳунармандга доир асосий ахборотларга эга бўлишга мойил бўлади. Демак, ҳунарманд ўз фаолиятига оид маълумотларни турли тилларда етказса, у бир маконга асосланган моно даражали гид мақомига эга бўлади. Худди шундай, Баҳоуддин Нақшбанд меъморий мажмуасини зиёрат қилиш жараённида фақат зиёратгоҳ ҳудудида фаолият олиб бориш хуқуқига эга экскурсия етакчисини мисол келтириш мумкин. Яъни, фаолият кўламига кўра моно, мини, микро, мезо, мета, макро ва мега даражали гидлар мавжуд бўлиб, кўламга қараб улар турли юридик мақомга эга бўлади ва мос равишда малака талаби қўйилади. Ушбу назарий гипотеза, Ўзбекистондаги меъёрий-хуқуқий базага асосланиб, 1-жадвал орқали тизимлаширилди.

7М даражадаги гидларнинг фаолият кўлами, юридик мақоми ва уларга қўйилган малака талаби

тизимли моделига асосланган ҳолда қўйидаги хulosалар қилинди ва тавсиялар ишлаб чиқилди.

- Фаолият кўламига кўра ҳунарманд дўконига (моно), ҳунармандлар оиласига (мини), ишлаб чиқариш корхонаси (микро), кўп тармоқли фермер хўжалигига (мини), битта диққатга сазовор жойга (моно), музейга (моно), шаҳарга (мезо), минтақага (мета), мамлакатга (макро) ва давлатлараро (мега) ташриф давомида борилган маконга оид маълумотларни меҳмонларга етказиш экскурсия хизмати бўлиб, 7М даражадаги гидлар томонидан амалга оширилади.

1-жадвал

7М даражадаги гидларнинг фаолият кўлами, юридик мақоми ва уларга қўйилган малака талаби¹

Даражा	Фаолият кўлами	Мисол	Юридик мақоми	Малака талаби
Моно даражали гид	Ҳунарманд дўкони	Шахсий фаолияти билан таништириш	Якка тартибдаги тадбиркор ёки ҳунарманд уюшмаси аъзоси	Мажбурий таълимни ижобий якунлаган шахс
	Ҳунарманд устахонаси	Кулол устахонаси фаолияти билан таништириш	Оилавий корхона аъзоси	Мажбурий таълимни ижобий якунлаган шахс
	Корхона	Тикув цехи доирасида экскурсия	Масъулияти чекланган жамият ишчиси	Маълум мутахассислик ка эга шахс

¹Муаллиф ишланмаси

Мезо даражали гид	Шаҳар	Бухоро шаҳри доирасида гид хизматини кўрсатиш	Якка тадбиркор ёки туроператорлик корхонаси ишчиси	Бакалавр дипломига эга 1- тоифали гид-таржимон
	Минтақа	Бухоро, Самарқанд шаҳарларида гид хизматини кўрсатиш	Якка тадбиркор ёки туроператорлик корхонаси ишчиси	Бакалавр дипломига эга 2- тоифали гид-таржимон
	Мамлакат	Ўзбекистоннинг барча шаҳарларида гид хизматини кўрсатиш	Якка тадбиркор ёки туроператорлик корхонаси ишчиси	Бакалавр дипломига эга олий тоифали гид-таржимон
	Буюк Ипак йўлида жойлашган давлатлар	Қирғизистон, Қозоғистон, Туркманистон Ўзбекистон, Тоҷикистон бўйлаб гид хизматини кўрсатиш	Якка тадбиркор ёки туроператорлик корхонаси ишчиси	Бакалавр дипломига эга Олий тоифали гид-таржимон ҳамда Буюк Ипак йўли давлатларига оид маҳсус курсларни ўқиган шахс

2. Гидлар ўз даражасига мос равища якка тадбиркор, оилавий корхона аъзоси, масъулияти чекланган жамият ходими, туоператорлик ташкилоти ёки экскурсия бюроси ишчиси юридик мақомларига эга бўлади.

3. Гидларнинг фаолият кўламига кўра турли малака талаблари қўйилади. Яъни, хунарманд дўкони ёки битта диққатга сазовор жой (моно кўлам), оилавий корхона (мини кўлам), кўп тармоқли фермер хўжалиги (микро кўлам) фаолияти билан таништириш мақсадидаги экскурсия хизматини етказувчи гидлар маҳсус курсларга қатнашиб, гид малака сертификатига эга бўлиши шарт эмас.

4. Шаҳарга (мезо кўлам), минтақага (мета кўлам), мамлакатга (макро кўлам) ва давлатлараро (мега кўлам) саёҳат давомида диққатга сазовор жойларга оид умумий маълумотларни етказувчи гидлар - Туризмни ривожлантириш институти томонидан ташкил қилинган маҳсус курсларни тамомлаган, Биринчи, Иккинчи ёки Олий тоифали гид малака сертификатига эга, 2 йилда бир марта малака ошириш дарсларида қатнашган экскурсия етакчиларидир.

5. Экскурсия хизматининг сифати, жорий стандартларга мослиги нуқтаи назаридан, туризмни бошқариб назорат қилувчи органлар томонидан, индивидуал матнни экспертизадан ўткизиш эвазига туроператорлик ташкилоти томонидан, экскурсантларнинг хизматдан қониқиши ҳосил қилганлик даражасига кўра баҳоланади. Мамлакат доирасидаги туристик йўналишларга киритилган барча диққатга сазовор жойлар ҳақида тўлиқ маълумотларни қамраб олган каталогларни яратиб, экскурсия етакчилари айнан шу манбалар асосида ўз индивидуал

матнларини шакллантиришларини таъминлаш, юқори сифатли экскурсия хизматларини етказа олиш гаровидир.

Мунозара

Туристик хизмат кўрсатиш жараёни маҳсулот сифатида қўйидаги хусусиятларга эга: *номоддий; сезилмайдиган; заҳира қилиб бўлмайдиган; ишлаб чиқариш ва истеъмолнинг ажralмаслиги; сифатнинг ўзгарувчанлиги ҳамда аниқ бажарувчига боғлиқлиги*. Маҳсулотдан фарқли равишда, туристик хизмат кўрсатиш жараёнида у қандай сифатда ишлаб чиқарилган бўлса, шунақалигича истеъмол қилинади. Демак, мамлакатнинг саёҳат ва туризм рақобатбардошлиги хизмат кўрсатувчи малакали ходимларни тайёрлаб, улар етказаётган хизмат сифатини баҳолаш механизмларини ишлаб чиқишига боғлиқ бўлади.

Экскурсия хизматининг сифатини баҳолаш услубиятини такомиллаштириш, мамлакат доирасида етказилаётган гидлик хизматларининг рақобатбардошлигини узлуксиз ошириш имкониятини яратади ҳамда сифат стандартларининг шаклланишига олиб келади. Шундай экан, 7М кўламда экскурсия хизматини кўрсатувчи мутахассисларнинг малакаси, юридик мақоми ва уларнинг ижтимоий муҳофазаси масалаларига эътибор қаратилса, ушбу касбни танлайдиганлар сонининг ошишига олиб келади.

Хулоса ва таклифлар

Ўзбекистонда 7М кўламда рақобатбардош экскурсия хизматларини етказишига қодир бўлган гидларни шакллантириш ҳамда хизмат сифатини баҳолаш қўйидаги б механизм асосида амалга ошириш тавсия этилади:

1.Битта диққатга сазовор жойга ихтисослашиб (Баҳоуддин Нақшбанд зиёратгоҳи), умум таълим мактабларини яхши баҳоларда якунлаган ёшларни гидлик ҳунарига босқичма-босқич жалб қилиб, мутахассислар томонидан тайёрланган назорат матнлари асосида экскурсия хизматини етказишиларига рухсат бериш;

2.Барча ихтисосликлардаги бакалавр таълим босқичини якунлаб, мони, мини ёки микро кўламда фаолият кўрсатаётган ёшларга, гидларни тайёрлаш маҳсус курсларига жалб қилиш орқали, малака сертификатини бериш;

3.Барча малака сертификатига эга гидларга ҳунарманд мақомини бериб, шу категориядаги юридик шахсларга қўлланиладиган меъёрий-хуқуқий база доирасида уларнинг фаолиятини тартибга солиш;

4.Минтақавий ва миллий Гидлар уюшмаларини жорий қилиш орқали ўз-ўзини бошқарадиган ва тартибга соладиган, ушбу касб намояндаларининг хуқуқларини муҳофаза қиласидиган нодавлат нотижорат ташкилотлар фаолиятини қўллаб-куватлаш;

5.Маълум минтақа, шаҳар ёки ҳудудда саёҳатни мустақил уюштирган ташриф буюрувчилар билан гидларни боғловчи, ижтимоий медиа маркетинг воситаларига асосланган, гид хизматларини таклиф қилиш каналларини ҳамкорликда яратиш ва жорий этиш;

6.Экскурсантлар ва гидлар ўртасида тескари алоқани ўрнатувчи ахборот каналларини яратиш орқали етказилган экскурсия хизматлари сифатининг мониторингини амалга ошириш.

Туризм мамлакат иқтисодиётининг етакчи соҳаларига айланиш арафасида бўлиб, умумий рақобатбардошликка эришишда 7М кўламда рақобатбардош экскурсия хизматларини етказишига қодир, малакали, аниқ юридик мақомга эга мутахассисларни шакллантириб, уларнинг малакасини узлуксиз ошириш ва

фаолиятларини тартибга солиш механизмларини жорий этиш, яқин келажакда амалга оширилиши зарур вазифалардан бирига айланмоқда.

Фойдаланилган адабиётлар рўйхати:

1. Ўзбекистон Республикаси Президентининг “Ўзбекистон Республикасининг туризм соҳасини жадал ривожлантиришни таъминлаш чора-тадбирлари тўғрисида” Фармони. Ўзбекистон Республикаси қонун хужжатлари тўплами, 2016 й., 49-сон, 558-модда.
2. Valentina Della Corte, Mauro Scierelli, Destination management e logica sistemica: un confronto internazionale. G.Giapichelli Editore – Torino, 2012. 215 pp.
3. Martini, Umberto. Management dei sistemi territoriali: Gestione e marketing delle destinazioni Turistiche. Vol. 27. G Giappichelli Editore, 2015.
4. Franch, Mariangela, et al. «4L tourism (landscape, leisure, learning and limit): responding to new motivations and expectations of tourists to improve the competitiveness of Alpine destinations in a sustainable way» Tourism review 63.1 (2008): 4-14 pp.
5. Porter, Michael. The competitive advantage of nations, Macmillan: London. - 1990. 250 pp.
6. Емельянов Б.В. Экскурсоведение. Учебник / Б. В. Емельянов. - М.: Советский спорт, 2001. – С.15-37.
7. Сенин В.С. Организация международного туризма // М.: «Финансы и статистика» 2004, - 379 с.
8. Боголюбов В.С., Орловская В.П. Экономика туризма // М.:2005. 151 с.
9. Квартальнов В.А. Туризм: // - М.: Финансы и статистика, - 2003. 320 с.
10. Волков Ю.Ф. Экономика гостиничного бизнеса // Изд. 2-е.- Ростов н/Д.: Феникс, - 2005. 380 с.
11. Тухлиев И.С ва бошқалар. Туризм асослари //Ўқув қўлланма. - Самарқанд, СамИСИ, 2010. 247 б.
12. Асланова Д.Х. Модели формирования туристского кластера за рубежом // Сервис, 2013. - №1. С.4-9;
13. Навруз-Зода Б.Н. таҳрири остида. Туристик ҳудуд рақобатбардошлиги // “Дурдона” нашриёти. Бухоро – 2017. 156 б.
14. Тураев Б.Х. Теоретико – методологические основы развития туризма. Т.: изд. «Фан», 2008. – 166 с
15. Норчаев А.Н. Туризм инфратузилмасида кутилаётган ўзгаришлар ва имкониятлар. “Iqtisodiyot va innovatsion texnologiyalar” ilmiy elektron jurnali. № 1, 2019 yil.
16. Хамидов О.Х. Ўзбекистонда экологик туризмни ривожлантиришни бошқаришни такомиллаштириш: муаммо ва ечимлар // Монография. – Т.: Иқтисодиёт, 2016. 203 б.
17. Alimova M.T., Model of Formation of A Unified Information Space in Tourism: On the Example of the Republic of Uzbekistan. Vol. 12 (2021): Academic Journal of Digital Economics and Stability (Spain).
18. Сафаров Б.Ш., Миллий туризм хизматлар бозорини инновацион ривожлантиришнинг методологик асослари // – Т.: Фан ва технология, 2016, 184 б.
19. Эштаев А.А. Ўзбекистон Республикасида ички ва зиёрат туризмини ривожлантириш истиқболлари. “Iqtisodiyot va innovatsion texnologiyalar” ilmiy elektron jurnali. № 4, iyul-avgust, 2021 yil. 380-386.

20. Алиева М.Т. Иқтисодиётни эркинлаштириш шароитида туризм хизматлари соҳасини бошқаришнинг иқтисодий жиҳатлари. Монография. Тошкент.: Фан. 242.
- 21.Ўзбекистон Республикаси қонуни “Туризм тўғрисида”, КҲММБ: 03/19/549/3446-сон 19.07.2019 й.
22. uzbektourism.uz [10.03.2021]
23. studytourism.uz [14.03.2021]
24. Маврина Н.С. Процесс формирования экскурсионной услуги // Культура народов Причерноморья. - 2009. - №161. - С.123-126.

Muassislar:
“Economic science” mas’uliyati cheklangan jamiyati
Buxoro davlat universiteti

**“IQTISODIYOT VA
TURIZM”
xalqaro ilmiy va innovatsion
jurnali**

2021-yil 2-son (2)

**2021-yildan
chiqa boshlagan.**

OBUNA INDEKSI: 200117

**Manzil: Buxoro shahri,
M.Iqbol ko’chasi, 11-uy, 2-bino,
403-xona.**

ilmiy va innovatsion nashri

Jurnal oliv o’quv yurtlarining professor-o’qituvchilar, ilmiy tadqiqotchilar, ilmiy sodimlar, magistrantlar, talabalar, akademik litsey va kasb-hunar kollejlari hamda maktab o’qituvchilar, shuningdek, keng ommaga mo’ljallangan.

Jurnalda nazariy, ilmiy-metodik, muammoli maqolalar, fan va texnikaga oid yangiliklar, turli xabarlar chop etiladi.

Nashr uchun mas’ul:

Gavhar XIDIROVA

Muharrir:

Halim HAMROYEV

Jurnal tahririyat kompyuterida sahifalandi. Chop etish sifati uchun bosmaxona javobgar.

Bosishga ruxsat etildi 01.03.2022

Bosmaxonaga topshirish vaqtি

07.03.2022

Qog’oz bichimi: 60x84. 1/8

Tezkor bosma usulda bosildi.

Shartli bosma tabog’i – 20,6

Adadi – 100 nusxa

Buyurtma № 330.

Bahosi kelishilgan narxda.

“Sadiddin Salim Buxoriy” MCHJ
bosmaxonasida chop etildi.

Bosmaxona manzili: Buxoro shahri
M.Iqbol ko’chasi 11-uy.